

O sanga'ayay a kapot no mako

I pasawaliay ko niyaro' no kapot no mako, mienapa<sup>^</sup> to riyar ko loma'  
niira, saka mafana' ciira a midadangoy ano ca micekiw i lawac no riyar,  
caay ka talaw to tapelik no riyar ato kalidkid no 'alo<sup>^</sup>, awaay ko kafokilan  
niira to ngangan no kalofoting no riyar, anoca o dateng no riyar.

Alamanan nani loma' miyawikid ciira to dateng no riyar a  
talapicodadan. Ira ko cikiw, ira ko kalang, ira ko damay, ira ko siraw.  
Maraod ko kalahokan tay: raw kami i lidong no kilakilangan, satatosa sa  
kami a komaen to miyawikidan niira nani loma' a dateng no riyar, salipahak  
sa kami a tatosa. Naw iro o sanga'ayay a kapot ciira ano haenen haw i:.

Saka cecay: mafana' a pakemot pakatawa ciira. Ano pihololanto ano i  
picodadanto malipahak ko masakapotay a mitengil to pipakemot niira a  
pakatawa, maolah ko polong no masakapotay ato singsi i ciiraan. O kemot a  
pakatawa niira i tadamaadah ko rawraw ato roray no faloco' a micodad.

Saka tosa: Mafana' a pa'ayaw mipadang to kapot ciira. Ano ira ko  
rarimaay a kapot to maan a demak i, li'ayaw li'ayaw han niira a mipadang.  
Ira ko mahaenay a kapot i picodadan i, salahoday sa ko singsi a pa'ayaw to  
sito. Ano kami to tono niyam i malipahak kami a cikapot i ciiraan. Nawhani,

ira ciira i masinanot mahadimel ko taliyok no picodadan, o nga'ayay a  
pinanaman to demak ciira.

Saka tolo<sup>^</sup>: Malalok a micodad ciira. Talacawa o pakoyocay ko paro<sup>^</sup>  
no loma' niira, nikawarira malalok ciira a micodad. To dafadafak maratar a  
lomowad a mifingkiw to cacodaen, saka ciira ko samafana'ay no niyam a  
micodad. O pitodongan no niyam ciira to lalok a matayal ato picodad.

O malemeday kami a cikapot i ciiraan, nawhani matiya o kaka o ina  
niyam ciira mafana' a patado pa'ayaw to maamaan a dademaken, o  
manonengay a kapot niyam ciira, tadakaohanako i picodadan a kapot ato  
idang ciira.

Ira ciira i masakapotay i, makayhid niira ko polong no masakapotay.  
Nao matokaay a matayal ato micodad i malamalalokayto; o roma  
i, mafana'to a mipadang to kapot a pa'ayaw. Mafalic ito a malanga'ayayto a  
masakapotay kami.

113 年全國語文競賽原住民族語朗讀 【秀姑巒阿美語】 國小學生組 編號 3 號  
我最好的同學

我同學住在東海岸，很會游泳捉海瓜子，不怕海浪、河床的急流，對海裡的魚類、海菜的種類了解很多。

有時從家裡攜帶一些海菜到學校，有海瓜子、螃蟹、海苔以及鹹豬肉。中午時，我們在樹蔭下，吃著海菜非常快樂。

他是一位幽默又風趣的人。全班不論是出遊玩耍，或是在學校上課，因他的幽默又風趣，使我們非常快樂，讓我們緊繃的心情舒緩了不少，也解除了我們身心靈的疲累。

他是一位善於幫助同學的人。倘若班上有同學對於事情不知如何是好的時候，他就挺身而出，幫助那些需要幫助的人。在班上有這樣的同學，老師輕鬆許多。

他是一位認真讀書的人。他的家庭不富裕，但是讀書非常認真，成績名列前茅，是我們學習的榜樣。

跟他同班是我們的幸福，如同我們的哥哥、媽媽一樣，處處為我們着想，是我們最好的同學，也是我最喜歡的同學和朋友。